

PRAVILNIK

CRNOGORSKOG IZVIĐAČKOG VIŠEBOJA (C I V) - STANDARDI I PROPOZICIJE TAKMIČENJA VIŠEBOJA-

Član 1 Opšte odredbe

1. Zvanični naziv organizovane grupe učesnika na takmičenju u okviru jedne kategorije i jedne konkurencije je patrola. Patrola je sastavljena od ukupno 6 članova. Aktivno se takmiči kompletna patrola od 5 članova, dok je jedan član rezerva
2. Starosne kategorije učesnika su sljedeće: mlađi izviđači i planinke – od 12 do 16 godina - stariji izviđači i planinke – od 16 do 20 godina.
3. Izviđački višeboj se organizuje u ženskoj i muškoj konkurenciji, kao i za dvije starosne kategorije i to: - **mlađi izviđači i planinke**, - **stariji izviđači i planinke**.
4. Starješina i Načelnik jedinice iz čijeg je sastava patrola koja se šalje na višeboj imaju sljedeće dužnosti:
 - Da izvrše blagovremeno predprijavlivanje patrole,
 - Da obezbijede sve neophodne djelove kolektivne opreme za nesmetano učešće patrole na višeboju,
 - Da izvrše kontrolu lične opreme svakog člana patrole,
 - Da izvrše blagovremenu dostavu zvanične prijave patrole,
 - Da izvrše neophodne uplate na ime učešća patrole,
 - Da imenuju vođu puta,
 - Da obezbijede najpogodniji prevoz članova patrole i vođe,
 - Da izvrše ostale neophodne pripreme članova patrole.
5. **Savez izviđača Crne Gore** (ili štab odreda) koji organizuje višeboj:
 - Usvaja Elaborat višeboja,
 - Imenuje sastav Takmičarske komisije,
 - Imenuje Starješinu i Načelnika višeboja,
 - Pruža svu neophodnu pomoć Takmičarskoj komisiji,
 - Vršiti medijsku promociju takmičenja,
 - Informiše jedinice o pripremi i realizaciji takmičenja.

Uslovi učešća

1. Pravo učešća na višeboju imaju članovi organizacije:
 - Koji su pripadnici registrovane jedinice u matičnom Savezu za godinu održavanja višeboja,
 - Koji imaju važeću izviđačku knjižicu sa dokazom o uplaćenju članarini,
 - Koji ispunjavaju starosne uslove definisane Elaboratom višeboja.
2. Na takmičenju mogu učestvovati patrole mlađih planinki i mlađih izviđača, čiji su članovi uzrasta od 12 do 16 godina. Podrazumijeva se da na takmičenju mogu učestvovati i članovi koji u godini održavanja višeboja pune 12, odnosno su već napunili 16 godina.
3. Na takmičenju mogu učestvovati patrole starijih planinki i starijih izviđača, čiji su članovi uzrasta od 16 do 20 godina. Podrazumijeva se da na takmičenju mogu učestvovati i članovi koji u godini održavanja višeboja pune 16 ili su već napunili 20 godina.
4. Starost člana patrole se potvrđuje izviđačkom knjižicom i nekim od važećih službenih ličnih isprava (**lična karta, zdravstvena knjižica, dačka knjižica, indeks, vozačka dozvola i sl.**).

5. Ako je jedan član stariji ili mlađi od starosnih granica koje su utvrđene ovim propozicijama, patrola ne može učestvovati na takmičenju.
6. Jedinica iz čijeg je sastava patrola dužna je da najkasnije 30 dana prije početka takmičenja dostavi Štabu takmičenja **Predprijavu** patrola ili spisak svojih takmičara koji sadrži:
 - **Podatke o članovima patrola: ime i prezime, datum rođenja, JMBG.**
 - **Podatke o Starješini i Načelniku jedinice: ime i prezime, telefonski brojevi i mejl adrese.**
7. Predprijava se dostavlja telefaksom, elektronskom ili redovnom poštom, na propisanom obrascu za predprijavljanje.
8. Jedinica iz čijeg je sastava patrola je dužna da najmanje 15 dana prije početka takmičenja dostavi Štabu takmičenja **Prijavu** patrola ili spisak svojih takmičara koji sadrži:
 - **Podatke o članovima patrola: ime i prezime, datum rođenja i JMBG,**
 - **Podatak o tome ko je vođa patrola i ko je zamjenik vođe patrola,**
 - **Podatke o vodi puta: ime i prezime, datum rođenja i JMBG, telefonski broj i mail adresu,**
 - **Podatke o Starješini i Načelniku jedinice: ime i prezime, telefonski brojevi i mail adrese,**
 - **Odredbu: „Uprava Odreda je upoznata sa uslovima organizacije, Pravilima i Propozicijama, Elaboratom i pratećim materijalom i u potpunosti je saglasna sa njima.“**
9. Uredno popunjena i ovjerena prijava se dostavlja na propisanom obrascu redovnom poštom, telefaksom ili elektronskom poštom pod uslovom da je sken originala. Dostavljena prijava smatra se garancijom učešća patrola. Na primljenoj prijavi, organizator naročito ističe datum i vrijeme prijema iste.
10. **Napomena:** Telefonski brojevi Starješine i Načelnika matične jedinice iz koje je patrola moraju biti dostupni tokom trajanja višeboja.
11. Svaki član patrola mora imati izviđačku knjižicu sa slikom i članskom markicom za godinu u kojoj se višeboj održava.
12. Poželjno je da svaki član patrola sa sobom ponese zdravstvenu knjižicu. Ukoliko neko iz patrola nema istu patrola se može takmičiti.
13. Patrola je dužna da na mjesto takmičenja dođe u vrijeme koje je odredio štab višeboja, odnosno u vrijeme određeno Elaboratom. Patrola je dužna da na naznačeno mjesto dođe u svom punom sastavu.
14. Patrola dolazi u pratnji jedne punoljetne osobe (vođa puta) koja je odgovorna za svakog pojedinog člana patrola iz svoje jedinice. Ukoliko iz iste jedinice dolazi više patrola, imenuje se samo jedan pratilac.
15. Organizator nije dužan da primi na takmičenje više od jednog pratioca iz jedne jedinice, bez obzira na broj patrola. Dozvoljeno je da jedan pratilac vodi više patrola iz jednog mjesta (opštine, grada) i ako nijesu iz iste jedinice potrebno je da matične jedinice izdaju pisano punomoćie kao i ostalu potrebnu dokumentaciju.
16. Jedinica za vođu puta svoje patrola izmiruje sve obaveze definisane Elaboratom.
17. Po dolasku patrola na mjesto takmičenja, vođa patrola predaje Štabu i Takmičarskoj komisiji neophodnu dokumentaciju (izviđačke knjižice...). Takođe, vođa patrola dostavlja na uvid i ostale elemente za utvrđivanje starosti članova patrola: zdravstvene knjižice, lične karte, dačke knjižice, indeks, vozačku dozvolu i sl.
18. Takmičarska komisija vrši pregled dostavljene dokumentacije i izdaje ili ne izdaje odobrenje za učešće ekipe na takmičenju.
19. Odobrenje (potvrda o ispunjenim preduslovima) se izdaje na propisanom obrascu i sadrži:
 - Podatke o patroli (konkurencija, kategorija, naziv patrola, matična jedinica i mjesto, startni broj)

- Tekst kojim se potvrđuje da je patrola dostavila neophodnu dokumentaciju, da je provjera starosti članova izvršena te da patrola ispunjava sve predušlove za učešće na višeboju.
20. Startni brojevi patrola (unutar konkurencije i kategorije) se određuju po redosljedu predaje neophodne dokumentacije i prijavljivanja Takmičarskoj komisiji na mjestu održavanja takmičenja.
 21. Po primopredaji kompletne dokumentacije i izdavanju odobrenja za učešće, takmičarska komisija vrši bodovanje kolektivne i lične opreme.
 22. Nakon bodovanja kolektivne i lične opreme, takmičarska komisija određuje patroli mjesto u taboru ili objektu.
 23. Od početka do kraja takmičenja patrola je odgovorna Štabu i drugim organima višeboja. Patrola je tokom takmičenja dužna da striktno poštuje Pravila i Propozicije i Elaborat.
 24. Patrola obavlja svu neophodnu komunikaciju sa Štabom i Takmičarskom komisijom isključivo preko vođe patrole.

Uslovi takmičenja

1. Patrola se takmiči u potpunom sastavu. Potpuno patrolom se smatra patrola koja broji **5 članova**.
2. **Svi članovi patrole moraju biti jednobrazno uniformisani po Pravilniku o uniformi SICG. Jednobrazno uniformisan podrazumijeva: izviđačku košulju i maramu po pravilniku SICG.**
3. Umjesto izviđačke košulje sa maramom dozvoljava se tokom izvršenja zadataka nošenje urednih jednobraznih majica sa kratkim ili dugim rukavima sa obilježjima jedinice uz obavezno nošenje izviđačke marame oko vrata.
4. Oblačenje tokom višeboja mora biti prikladno i njime se ne smije narušavati ugled organizacije.
5. **Izviđačka košulja sa maramom se obavezno nosi:**
 - **na svečanom otvaranju višeboja,**
 - **na planiranim svečanostima u dogovoru sa organizatorom,**
 - **na svečanom zatvaranju višeboja,**
 - **u drugim prilikama na osnovu dnevne zapovijesti Starješine višeboja.**
6. Patrola se ne smije prekidati u izvršenju zadatka osim ako tako odluči Starješina akcije ili Takmičarska komisija.

Tokom takmičenja dozvoljena je upotreba mobilnih telefona, ali je vođa patrole dužan da na početku takmičenja (na posebnom obrascu) dostavi Takmičarskoj komisiji brojeve mobilnih telefona svih članova patrole.

Član 2 Propozicije

Okvirni zadaci patrola:

I. Okvirni zadaci patrola u kategoriji mladih izviđača i planinki:

1. Predzadatak (takmičarska komisija zadržava pravo da odredi koju vrstu zadatka ekipe treba da odrade)
2. Približno tačno odrediti (ucrtati) na topografskoj karti sve kontrolne stanice (u daljem tekstu KS) po dobijenom zadatku
3. Preći cijelu stazu zdatim brojčanim redosljedom KS,
4. Nacrtati skicu dijela puta u zadatoj razmjeri i između KS određenih zdatkom,
5. Napisati izvještaj o izvršenim izviđanjima i osmatranjima na dijelu pređenog puta između zdatkom određenih KS,
6. Na jednoj KS nacrtati skicu KS u zadatoj razmjeri,
7. Na jednoj KS nacrtati panoramski snimak KS,
8. Savladati stazu kretanja između zdatih tačaka (minsko polje),
9. Nacrtati skicu kretanja između zdatih tačaka prema zdatim azimutima i daljinama,
10. Prenijeti poruku (semafor) pomoću signalnih zastavica na određenoj daljini,
11. Praktično primijeniti znanje iz prve pomoći i riješiti zdati test iz ove oblasti,

12. Prenijeti smislenu poruku na za to određeno mjesto,
13. Kulturno Zabavni Program (u daljem tekstu KZP)
14. Posjedovati predviđenu kolektivnu opremu,
15. Posjedovati predviđenu ličnu opremu.
16. Kviz - test

II. Okvirni zadaci patrola u kategoriji starijih izviđača i planinki

1. Predzadatak (takmičarska komisija zadržava pravo da odredi koju vrstu zadatka ekipe treba da odrade)
2. Približno tačno odrediti (ucrtati) na topografskoj karti sve kontrolne stanice (u daljem tekstu KS) po dobijenom zadatku,
3. Preći cijelu stazu zadatim bročanim redosljedom KS,
4. Nacrtati skicu dijela puta u zadatoj razmjeri i između KS određenih zadatkom,
5. Napisati izvještaj o izvršenim izviđanjima i osmatranjima na dijelu pređenog puta između zadatkom određenih KS,
6. Na jednoj KS nacrtati skicu KS u zadatoj razmjeri,
7. Na jednoj KS nacrtati kroki KS u zadatoj razmjeri,
8. Nacrtati profil terena u zadatoj razmjeri i između dvije zadate tačke,
9. Prenijeti poruku (Morze) pomoću baterijske lampe, pištaljke ili zujalice na određenoj daljini.
10. Prenijeti poruku (semafor) pomoću signalnih zastavica na određenoj daljini,
11. Praktično primijeniti znanje iz prve pomoći i riješiti zadati test iz ove oblasti,
12. Prenijeti smislenu poruku na za to određeno mjesto,
13. Izrada prenočišta, kao i priprema obroka
14. Kulturno Zabavni Program (KZP)
15. **Posjedovati predviđenu kolektivnu opremu:**
 - **patrolnu zastavicu,**
 - **priručni materijal za prvu pomoć,**
 - **busolu,**
 - **dva para signalnih zastavica,**
 - **sjekiricu,**
 - **pet šatorskih krila,**
 - **kutiju šibica ili upaljač,**
 - **dvije ispravne baterijske lampe,**
 - **pribor za topografiju**
 - **Jedan mobilni telefon,**
 - **Konop,**
 - **Dva fluorescentna prsluka,**
 - **Najmanje jedan ručni sat sa kazaljka**
 - **pribor za pripremu obroka (minimalno lonac/kotlić prikladne veličine, pribor za miješanje i služenje jela)**
16. **Posjedovati predviđenu ličnu opremu**
 - **izviđačka odjeća (košulja sa propisanim oznakama i marama)**
 - **zdrastvena knjižica**
 - **izviđačka knjižica, s plaćenom i uredno evidentiranom članarinom za tekuću godinu)**
 - **kišna kabanica**
 - **adekvatna obuća za prelazak staze**
 - **odobrenje (potvrda) roditelja ili staratelja, prikladno datumirana i ovjerenu u odredu, kojom mu/joj se odobrava učestvovanje na CIV-u.**
17. Kviz – test

18. Šatorizacija (podizanje i rušenje šatora) na nekoj od KS ili nakon svih obavljenih zadataka svoje zadatke patrola izvršava kolektivno, na najpogodniji način u okviru ovih Propozicija.

III. Ocjenjivanje i bodovanje

Ocjenjivanje i bodovanje svih zadataka i materijala na takmičenju mogu vršiti isključivo članovi Takmičarske komisije.

Ocjenjivanje na takmičenju je javno i ističe se na posebnim tablama za svaku kategoriju i konkurenciju posebno.

Broj bodova koje patrola mladih izviđača ili mladih planinki može osvojiti u pojedinim disciplinama je:

1. **Predzadatak** (takmičarska komisija zadržava pravo da odredi koju vrstu zadatka ekipe treba da odrade) 20 bodova
2. **Orijentacija**
 - Za pronalaženje jedne KS na karti 20 bodova
 - Za pronalaženje jedne KS u prirodi 80 bodova
 - Za skicu pređenog puta do 200 bodova
 - Za izvještaj pređenog puta do 150 bodova
 - Za skicu KS do 100 bodova
 - Za panoramski snimak do 100 bodova
 - Za skicu kretanja između zadatih tačaka do 100 bodova
 - Za kretanje između zadatih tačaka do 50 bodova
3. **Za prenos poruke**
 - Za prenošenje poruke semaforom do 120 bodova
 - Za tačno prenesenu poruku kurira do 60 bodova
4. **Za opremu**
 - Za ličnu opremu do 250 bodova
 - Za kolektivnu opremu do 100 bodova
5. **Prva pomoć** do 100 bodova
6. **KZP** do 50 bodova
7. **Kviz** – test (20 pitanja: 5 – crnogorska istorija; 5 crnogorska geografija; 10 –opšta izviđačka pitanja) - 20pitanjaX5= do 100 bodova
8. **Za svaki minut kašnjenja** preko dozvoljenog vremena za prelazak staze i završetka svih zadatih cjelina -2 boda

Broj bodova koje patrola starijih izviđača i planinki može osvojiti u pojedinim disciplinama je:

1. **Predzadatak** (takmičarska komisija zadržava pravo da odredi koju vrstu zadatka ekipe treba da odrade) 20 bodova
2. **Orijentacija**
 - Za pronalaženje jedne KS na karti 20 bodova
 - Za pronalaženje jedne KS u prirodi 80 bodova
 - Za skicu pređenog puta do 200 bodova
 - Za izvještaj pređenog puta do 150 bodova
 - Za skicu KS do 100 bodova
 - Za kroki KS do 150 bodova
 - Za profil terena do 120 bodova
 - Za panoramski snimak do 100 bodova
 - Za skicu kretanja između zadatih tačaka do 100 bodova
 - Za kretanje između zadatih tačaka do 50 bodova
3. **Prenos poruke**
 - Za prenošenje poruke semaforom do 120 bodova
 - Za prenošenje poruke morzeom do 150 bodova

- Za tačan prenos poruke kurira do 60 bodova
- 4. **Za opremu**
 - Za ličnu opremu do 250 bodova
 - Za kolektivnu opremu do 100 bodova
- 5. **Prva pomoć** do 100 bodova
- 6. **KZP** do 50 bodova
- 7. Izrada prenoćišta, kao i priprema obroka
 - **Za izradu prenoćišta** do 200 bodova
 - **Za pripremu obroka** do 100 bodova
- 8. **Kviz – test** /30 pitanja (5 crnogorska istorija; 5 –crnogorska geografija; 12 –opštih izvijačkih pitanja; 8 –opšta kultura) 30 pitanja X5 = do 150 bodova
- 9. **Šatorizacija** /najbolje vrijeme i tačnost dobija do100 bodova (50 bodova za vrijeme dizanja i spuštanja šatora, kvalitet dignutog šatora 35 bodova, kvalitet složenog šatora 15 bodova); ostali srazmjerno po 5 bodova manje,
- 10. Patrola ne može dobiti bodove za estetiku i grafičku obradu rada ako su sve ostale komponente u ocjenjivanju bodovane sa 0 bodova.
- 11. **Za svaki minut kašnjenja** preko dozvoljenog vremena za prelazak staze i završetka svih zadatih cjelina -2 boda

*** Radovi se mogu crtati samo na ovjerenim papirima dobijenim od strane Takmičarske komisije. Svi radovi sačinjeni na neovjerenim papirima neće se bodovati. Svi crteži i skice da bi bili kompletni MORAJU sadržati:**

- Naslov
- Razmjer
- Sjever
- Ime patrole, ili startni broj patrole, ili šifru (koju odijeljuje organizator)
- Legendu
- Stajnu tačku
- 5 azimuta karakterističnih objekata i njihovih udaljenosti od stajne tačke

*** Uokivreni sadržaji su obavezni. Bez njih nema bodovanja!**

Organizator je dužan da osigura potreban broj ovjerenih papira i to u sljedećim formatima: milimetarski papir (format A4), bijeli papir (format A3), bijeli papir (format A4), bijeli papir (format A5) i papir visoki karo (format A3).

IV. Zajednički zadaci u obje kategorije

1. Pronalaženje KS na topografskoj karti (po zadatku Takmičarske komisije)

1. Sve patrola istovremeno pronalaze KS na karti. Patroli se predaje kovertirani zadatak i to se računa kao početak staze.
2. Konstrukcija zadatka se radi na topografskoj karti razmjere 1:50000 koju patrola dobija od Takmičarske komisije.
3. Posle 60 minuta, ukoliko patrola nije završila rješavanje zadataka, predsjednik i određeni član takmičarske komisije provjeravaju i boduju tačnost onoga što je patrola pronašla. Nakon bodovanja i evidentiranja tačnosti urađenog, patrola dobija od takmičarske komisije kartu sa tačno ucrtanim KS i pušta se na stazu.
4. Položaj KS na karti se određuje:
 - Koristeći isključivo elemente karte,
 - Sve mjere zadaju se u SI jedinicama (metar, stepen...), a dozvoljeno je korišćenje jedinice hiljaditi za uglove.
 - Dozvoljeno je korišćenje azimuta, kontra-azimuta i udaljenosti, presjeka azimuta, presjeka kružnica (sjeverni, južni, zapadni, istočni) kao i međusobne kombinacije,
 - Svi uglovi i udaljenosti moraju biti jednoznačno određeni i mjerljivi na karti,
 - Dozvoljeno je zadatkom vezati po dvije KS najviše tri puta.

5. Smatra se da je KS tačno određena ako je na karti razmjere 1:50000 ucrtana u krugu poluprečnika 2 milimetra, a čiji je centar KS određena zadatkom.
6. Oštećenje ili gubitak karte patrola je dužna nadoknaditi organizatoru.
7. Prvu kartu terena gdje se takmičenje održava, patrola dobija od Takmičarske komisije, najmanje 12 sati prije početka konstrukcije zadatka na karti.
8. Patrola započinje prelazak staze nakon što je primila drugu kartu i ovjerene papire za crtanje, a nakon izvršene discipline pronalaska KS na karti.
9. Bodovanje: Pronađena KS na karti donosi 20 bodova.

2. Pronalaženje Kontrolnih Stanica na nepoznatom terenu (po zadatku Takmičarske komisije)

1. Za mlađu kategoriju učesnika, staza je do 10km dužine, sa visinskom razlikom do 300 metara. Ukupan uspon i pad ne može biti veći od 1500 metara. Staza se prelazi u jednom danu i ima 5 do 8 KS.
2. Za stariju kategoriju učesnika, staza je do 20km dužine, sa visinskom razlikom 400m. Ukupan uspon i pad ne može biti veći od 1800 metara. Staza se prelazi u jednom danu i ima od 5 do 10 KS.
3. Patrola je dužna da dođe na sve KS, po brojčanom redosljedu, od najmanjeg broja ka najvećem, bez preskakanja KS.
4. Patrola na svaku KS dolazi u punom sastavu. Ukoliko patrola nije u punom sastavu, odnosno pojedini članovi kasne ili zaostaju, kontrolor neće takvoj patroli upisati da je stigla na bazu, odnosno upisaće njen dolazak tek kad bude u kompletnom sastavu.
5. Po dolasku na KS patrola se mora prijaviti kontroloru ili ne smije boraviti na KS u krugu od 100 metara.
6. Kao vrijeme dolaska patrola računa se momenat kada se kompletna patrola postroji i izviđačkim pozdravom pozdravi kontrolora na toj KS.
7. Tačno vrijeme prelaska staze određuje traser na osnovu utvrđenih elemenata na terenu, dužine staze i zadataka koji se moraju završiti tokom prelaska staze. Traser izrađuje profil terena cijele staze kako bi utvrdio visinsku razliku koja mora odgovarati zahtjevima iz tačaka 1 i 2 i isti prilaže kao komisijski materijal.
8. Staza ne smije da traje duže od 8 sati sa izradom materijala.
9. U vrijeme za prelazak staze ulazi vrijeme potrebno za izradu zadataka na karti, vrijeme potrebno za prelazak staze, vrijeme boravka na KS uključujući i potrebno vrijeme za izvršenje svih zadataka. Vrijeme na stazi počinje od primanja kovertiranog zadatka na startu od strane vođe patrola i traje do predaje svih izvršenih zadataka i radova Takmičarskoj komisiji na cilju.
10. Vrijeme potrebno za prelazak staze upisuje se u zadatak patrola u dijelu koji se odnosi na neophodne napomene.
11. Svi materijali izrađeni na stazi predaju se na cilju zajedno sa kontrolnim listom i kartom terena.
12. Sve kontrolne stanice su žive i povezane su sa Štabom i Takmičarskom komisijom.
13. Sve KS moraju biti obilježene zastavicama 40x40 centimetara, u dvije boje, podijeljene po dijagonali i znakom ucrtanim na samom terenu (drvo, stijena...) neperivom bojom. Zastavica mora biti obostrana. Znak na terenu je iste veličine. Zastavica je postavljena na visini do 3 metra. Zastavica mora biti vidljiva na najmanje 50 metara iz vidljivog pravca tačno ucrtanog azimuta sa prethodne KS.
14. Dokaz da je patrola bila na KS je potpis kontrolora na prolaznoj listi patrola ili skica priznata od Takmičarske komisije.
15. Ukoliko patrola ne pronađe kontrolora na KS, obavezna je da napravi skicu KS u radijusu od 50 metara u razmjeri 1:500 sa svim detaljima koji mogu biti dokaz da je patrola bila na KS. Na poledini ove skice, patrola izrađuje detaljni opis KS. Skica i opis se radi na posebnom ovjerenom papiru (format A4) koji patrola dobija od Takmičarske komisije na startu. Ovakva skica se predaje Takmičarskoj komisiji na cilju.

16. Patrola tokom prelaska staze mora sa sobom stalno nositi svoju prolaznu listu. Prolazna lista patrola je jedinstveni obrazac višeboja. Prolazna lista se na cilju predaje Takmičarskoj komisiji uz ostali materijal.
17. Negativni bodovi: za svaki minut zakašnjenja u odnosu na planirano(zadato) vrijeme za prelazak staze, patrola dobija -2 boda.
18. Bodovanje: Pronađena KS na terenu donosi 80 bodova.

3. Skica dijela pređenog puta

1. Skica predstavlja jednostavan i pregledan crtež određenog dijela puta izrađen slobodnom rukom u približnoj razmjeri sa označavanjem sjevera i topografskim elementima (veličine, udaljenosti, visine), određenim približno uz upotrebu busole, a bez upotrebe topografskog pribora, što znači da objekti i površine ne moraju biti potpuno precizno ucrtani, ali zato se na skicu moraju upisati tačni azimuti i približne udaljenosti. Skica ne pruža sve detalje, te služi samo kao dopuna određenog
2. Skica dijela sadrži najvažnije objekte i druge pojave vidljive sa staze u pojasu od 100 metara sa obje strane puta kojim je ekipa prošla (objekti na stazi i pored nje, komunikacije, vodotoci, naselja, elementi i nazivi, konfiguracija terena, površine, podaci o divljim deponijama i ostali podaci važni za zaštitu životne sredine). Staza čija se skica crta ne smije biti duža od 10km, a crta se:
 - za mlađu kategoriju između dvije KS
 - za stariju kategoriju između tri KS.
3. Skica dijela pređenog puta se može izrađivati u sljedećim razmjerama:
 - 1:10 000, sa tolerancijom ugla do 3o i 2mm oko ucrtane KS,
 - 1:12 500, sa tolerancijom ugla do 3o i 2mm oko ucrtane KS,
 - 1:25 000, sa tolerancijom ugla do 3o i 1mm oko ucrtane KS.
4. Za skicu dijela puta ekipa može dobiti do 200 bodova i to:
 - za približnu tačnost udaljenosti KS, njihovo srazmjerno predstavljanje, njihovu približnu orijentaciju 20 bodova
 - za približno srazmjerno predstavljanje objekata, komunikacija, vodenih tokova i površina do 20 bodova
 - za približno tačno ucrtavanje objekata, komunikacija, vodenih tokova i površina do 70 bodova
 - za pravilno ocjenjivanje i ucrtavanje konfiguracije terena do 40 bodova
 - za podatke o divljim deponijama i ostalim podacima od značaja za zaštitu životne sredine do 10 bodova
 - za pravilno ucrtavanje posebnih oznaka, topografskih znakova, ucrtavanje legende do 20 bodova
 - za grafičku obradu i estetiku do 20 bodova
5. Skica dijela puta ne dobija bodove ako nije ucrtan sjever ili je ucrtan sa greškom većom od 15 stepeni, ako nije ucrtana legenda i nije upisana razmjera. Rad mora posjedovati naziv patrola i startni broj, u suprotnom ne dobija bodove.
6. Ekvidistancija mora biti označena na dnu crteža, uz naznačene numeričke vrijednosti visine uz svaku izohipsu, u suprotnom skica dijela puta u stavci „konfiguracija terena” ne dobija bodove.
7. Skica se ne ocjenjuje ako nije ucrtana većina markantnih i jasno vidljivih objekata, komunikacija, površina, vodenih tokova uz put kojim je patrola prošla, te ako se skica ne pridržava date razmjere. Pri ocjenjivanju skice dijela puta, crtež patrola se upoređuje sa etalonom. Kontrolne stanice na skici moraju biti spojene pravom linijom prema brojevanom redosljedu KS, uz upisanu udaljenost između susjednih KS, i to tako da se azimut određuje sa KS sa manjim rednim brojem prema susjednoj KS sa višim rednim brojem. Skica ne dobija bodove ako izostanu navedeni azimuti, udaljenosti i prave linije.
8. Oznaka za sjever mora biti obilježena sa „C” (ćirilicom) ili sa „S” (latinicom).
9. Skica dijela puta se izrađuje na ovjerenom bijelom papiru (format A3).

10. Na poledini papira na kome se izrađuje skica dijela puta ili na posebno dodatom (priheftanom ili zalijepljenom) papiru mora postojati lista bodovanja ovog materijala, uz potpis člana Komisije koji je isti bodovao.

4. Izvještaj dijela pređenog puta

1. Izvještaj o izvršenim izviđanjima i posmatranjima na pređenom putu ima za cilj da pomogne brzo kretanje istom stazom nekoj drugoj patroli, bez upotrebe karte, pa je od osnovne važnosti opis same staze i objekata uz nju, kao i podaci o pitkoj vodi, hrani, zaklonima, divljim deponijama i drugim podacima od važnosti za zaštitu životne sredine. Od važnosti su i opisi samih KS. Dio podataka u izvještaju koji se odnosi na izvršavanje zadataka sadrži podatke o mjestu i vremenu izvršavanja zadataka, kvalitetu izvršenih zadataka (po mišljenju same patrole) i sl. Izvještaj puta se vodi na dijelu staze na kojem se crta skica dijela puta i služi kao njena dopuna. U Izvještaj dijela puta se mogu unijeti i ostali podaci značajni za ocjenjivanje, za tempo kretanja patrole, vremenske uslove, teškoće i prepreke na stazi, mogućnost iskorišćavanja određenih površina za postavljanje tabora, naznačivanje najpogodnijih prilaza određenim objektima i sl.
2. Za izvještaj puta patrola može dobiti 150 bodova i to:
 - za podatke o objektima na stazi, pošumljenosti, reljefu, vodenim tokovima, komunikacijama, putevima do 50 bodova
 - za podatke o zaklonima, odmorištima, divljim deponijama i ostalim podacima od značaja do 30 bodova
 - za podatke o pitkoj vodi i hrani do 30 bodova
 - za podatke o izvršenim zadacima do 20 bodova
 - za urednost, čitkost, rukopis, naslove, potpise do 20 bodova
3. Za neupisan naziv patrole i startni broj, kao i za izrazito nečitak rukopis rad se boduje sa 0 bodova. Izvještaj puta se izrađuje u pisanom obliku.
4. Izvještaj dijela puta se izrađuje na ovjerenom papiru – visoki karo (format A3) u potrebnom broju listova.
5. Na posebno dodatom (priheftanom ili zalijepljenom) papiru mora postojati lista bodovanja ovog materijala, uz potpis člana Komisije koji je isti bodovao.

5. Skica KS

1. Skica KS predstavlja jednostavan i pregledaj crtež određenog terena izrađen slobodnom rukom u približnoj razmjeri sa označenim sjeverom i topografskim elementima (veliçine, pravci, udaljenosti, visine), određenim približno, uz upotrebu kompasa a bez upotrebe topografskog pribora, što znaçi da objekti i površine ne moraju biti tačno ucrtani, ali zato se na skici moraju upisati azimuti i približne udaljenosti u odnosu na određenu stajnu tačku.
2. Skica terena sadrži najvažnije objekte i druge pojave vidljive sa jedne stajne tačke na KS u preçniku od najviše 100 metara (u zavisnosti od vidljivosti i razmjere). Skica terena se radi u razmjeri od 1:250 do 1:500.
3. Za skicu terena patrola može dobiti 100 bodova i to:
 - za približnu tačnost i pridržavanje zadate razmjere, pravilnu orijentaciju, razmjerno postavljanje rastojanja, objekata, komunikacija, površina do 20 bodova
 - za unošenje objekata, pravilno predstavljanje komunikacija, vodenih tokova i površina do 40 bodova
 - za pravilno predstavljanje konfiguracije terena do 20 bodova
 - za unošenje posebnih topografskih znakova, legend, grafičku obradu, urednost i estetiku do 20 bodova
4. Skica KS ne dobija bodove ako nije ucrtan sjever ili je ucrtan sa greškom većom od 15 stepeni, ako nije ucrtana legenda i nije upisana razmjera. Rad mora posjedovati naziv patrole i startni broj u suprotnom ne dobija bodove.
5. U slučaju nepridržavanja zadate razmjere skice ili u slučaju neucrtavanja većine markantnih i jasno vidljivih objekata, površina, vodenih tokova i komunikacija, skica se boduje sa 0 bodova.

Rad se ne ocjenjuje u stavci „konfiguracija terena” ako nije ucrtana ekvidistancija, kako brojčano uz izohipse tako i na dnu crteža. Pri ocjenjivanju crtež se upoređuje sa etalomom.

6. Skica ne dobija bodove ako nijesu upisana najmanje 3 najvažnija azimuta i udaljenosti.
7. Oznaka za sjever mora biti obilježena sa „C” ćirilčno ili „S” latinično.
8. Skica KS se izrađuje na ovjerenom bijelom papiru (format A4).
9. Na poleđini papira na kome se izrađuje skica KS ili na posebno dodatom (priheftanom ili zalijepljenom) papiru mora postojati lista bodovanja ovog materijala, uz potpis člana komisije koji je isti bodovao.

6. Signalizacija (semafor)

1. Patrola učestvuje sa 4 svoja člana, koji su raspoređeni: dvoje na prijemnoj i dvoje na predajnoj stanici. Prijemna i predajna stanica su međusobno udaljene najmanje 50 a najviše 100 metara. Dozvoljena je slobodna podjela poslova unutar ekipe.
2. Patrola predaje i prima poruku isključivo pomoću semafora i dva para signalnih zastavica. Poruka sadrži 30 znakova: 28 slova i 2 broja.
3. Za slanje poruke „semaforom” koristi se isključivo međunarodna abeceda. Poruke su sastavljene od izabranih slova abecede bez korišćenja složenih slova (d, č, š, ž, lj, nj, ž, dž).
4. Poruka se prenosi od trenutka davanja zvučnog signala člana Takmičarske komisije (početak prenošenja poruke) a sa prenošenjem se prestaje na zvučni signal člana Takmičarske komisije (završetak prenošenja poruke), po isteku predviđenog vremena ili kada član patrola sa prijemne stanice uruči izvršeni zadatak članu Takmičarske komisije.
5. Svi znakovi se bilježe u za to predviđeni prostor prema datom obrascu. Znakovi zabilježeni van predviđenog prostora se ne boduju. Boduje se onaj broj znakova koji su prenijeti po datom redosljedu i u zadatom vremenu. Svako tačno prenijeto slovo po datom redosljedu (upisano po pravilnom redosljedu u za to predviđenim poljima) boduje se sa 3 boda.
6. Patrola može osvojiti maksimalno 120 bodova.
7. Maksimalno vrijeme primopredaje poruke semaforom iznosi:
 - za mlađu kategoriju 90 sekundi.
 - za stariju kategoriju 60 sekundi.
8. Poruka se dobija od člana Takmičarske komisije. Poruka je izrađena na ovjerenom bijelom papiru.
9. Patrola piše prenešenu poruku na posebno izrađenom i ovjerenom bijelom papiru.
10. Na poleđini papira na kojem patrola piše prenešenu poruku mora postojati mjesto za zbir bodova, potpis člana komisije koji je bodovao, naziv i startni broj ekipe.
11. Signalna zastavica je kvadratnog oblika veličine najmanje 30x30 a najviše 40x40 centimetara, dijagonalno podijeljena na polje crvene i bijele boje. Zastavica je postavljena na štap dužine ne manje od 60 centimetara.
12. Član Takmičarske komisije mora tokom prenosa poruke imati kod sebe etalon semafora.
13. U slučaju da patrola napravi više od 7 grešaka, semafor se boduje sa 0 bodova.

7. Prva pomoć

1. Učestvuju 5 članova patrola. Izvršenje zadatka u pružanju prve pomoći odvija se u dva dijela: teoretskom i praktičnom tako da patrola može zbirno da osvoji za oba dijela 100 bodova.
2. Teoretski dio rješavaju sve patrola tako što svaka patrola ispunjava test od 5 pitanja, pri čemu svaki upisani odgovor donosi do 10 bodova. Za ovaj dio patrola može osvojiti do 50 bodova.
3. Praktični zadatak izvlači vođa patrola pred članom Takmičarske komisije. Za ovaj dio ekipa može osvojiti do 50 bodova. Rješavanje zadatka se boduje:
 - Pristup, pregled unesrećenog, pravilnost izbora priručnih sredstava do 20 bodova
 - Opremljenost, kvalitet i stručnost ukazane prve pomoći do 20 bodova
 - Organizacija i podjela rada unutar patrola do 10 bodova
4. Praktični i teoretski dio boduje član Takmičarske komisije koji ima licencu za Prvu pomoć.
5. Vrijeme za izradu testa i praktične primjene je 30 minuta.
6. Zadaci iz prve pomoći se rade van staze.
7. Potrebno znanje za rješavanje testa iz prve pomoći i praktične primjene je:

- Za mlađu starosnu kategoriju iz Programa prve, druge i treće zvijezde.
 - Za stariju kategoriju iz Programa zlatnog, srebrnog i bronзанog lava.
8. Test se dobija od člana Takmičarske komisije. Test je izrađen na ovjerenom bijelom papiru.
 9. Na poleđini papira na kojem se radi test mora postojati lista bodovanja i potpis člana Komisije koji je bodovao.

8. Poruka kurira

1. Poruka se prenosi između dvije tačke ili KS koje odredi Takmičarska komisija.
2. Poruka kurira se sastoji od 50 do 100 slova. Poruka se sastoji od pojmova koji predstavljaju biljni i životinjski svijet, geografske pojmove, pojmove iz života i rada izviđačke organizacije. Poruka kurira ne mora imati smisao.
3. Patrola prima poruku kurira od kontrolora ili člana Takmičarske komisije, pisanim putem na određenoj tački ili KS. Patrola čita poruku dva minuta. Nakon toga vraća etalon poruke kontroloru ili članu Takmičarske komisije. Nije dozvoljeno zapisivanje poruke. U suprotnom patrola ne dobija bodove za ovu disciplinu.
4. Poruka se predaje (upisuje) na mjestu ili KS koje odredi Takmičarska komisija.
5. Poruka se predaje pisanim putem pred kontrolorom ili članom Takmičarske komisije na mjestu predaje poruke, a ispisuje je vođa patrola po diktatu svojih članova. Rok za predaju je tri minuta od prijema obrasca na kome de patrola izvršiti upisivanje poruke.
6. Smatra se da je patrola izvršila zadatak ako je tačnost i redosljed pojmova identičan sa etalom poruke koji je patrola dobila od kontrolora ili člana Takmičarske komisije, pročitala i zapamtila. Pravopisne greške se ne boduju negativno, te se uvažavaju kao ispravne ako ne mijenjaju smisao poruke. Znakovi interpunkcije se ne boduju.
7. Tačno prenešena poruka boduje se sa 60 bodova, dok netačna poruka dobija 0 bodova.
8. Poruka se dobija od kontrolora ili člana Takmičarske komisije na datoj tački ili KS. Poruka je izrađena na ovjerenom bijelom papiru. Patrola piše prenešenu poruku na posebno izrađenom i ovjerenom bijelom papiru
9. Na poleđini papira na kome patrola piše prenešenu poruku mora postojati mjesto za zbir bodova, potpis člana Takmičarske komisije koji je bodovao, naziv i startni broj patrola
10. Član Takmičarske komisije boduje prenešenu poruku na osnovu etalona.

9. KZP

1. Učestvuju svi članovi ekipe. Ekipe izvodi unaprijed pripremljeni program u trajanju do 10 minuta.
2. Ocjenjuju se sljedeće stavke:
 - kvaliteta izvođenja programa..... do 20 bodova,
 - zabavnostdo 15 bodova,
 - reakcija publikedo 10 bodova,
 - opremljenost (rekviziti)do 5 bodova.
3. KZP ocjenjuju najmanje 3 člana takmičarske komisije. Njihovi ukupni bodovi za pojedinu stavku se sabiraju i dijele s brojem članova komisije, nakon čega se dobijaju ukupno osvojeni bodovi pojedine ekipe.

10. Kolektivna oprema

1. Svaka patrola mora posjedovati opremu koja je napisana u članu 2 (-15).
2. Kolektivna oprema se boduje. Za svaki dio kolektivne opreme patrola dobija 10 bodova. Maksimalan broj bodova osvojenih za kolektivnu opremu po patroli je 100. Bodovanje kolektivne opreme vrši se na posebnom obrascu koji na kraju bodovanja potpisuju član Takmičarske komisije i vođa patrola.
3. Tokom prelaska staze, patrola obavezno nosi sa sobom sljedeću kolektivnu opremu: **priručna apoteka, dva fluorescentna prsluka, najmanje jedan kompas, najmanje jedan ručni sat sa kazaljka, pribor za crtanje i pisanje, najmanje dvije šibice ili upaljača, jedan mobilni telefon i konop.**

4. **Patrola, odnosno prvi i posljednji član u koloni, tokom kretanja na stazi moraju neprekidno nositi fluo prsluke. Patrola bez ovih markera neće moći da ide na stazu.**
5. Priručna apoteka mora biti smještena u za to namjenjenoj kutiji ili torbici prve pomoći i treba da sadrži minimalno kutiju prve pomoći za privatna vozila propisanu Zakonom o saobraćaju

11. Lična oprema

1. Svaki takmičar mora posjedovati ličnu opremu koja sadrži:
 - Uniforma i marama po Pravilniku o uniformama i oznakama SICG,
 - Vreća za spavanje,
 - Odgovarajuća obuća za duže pješaćenje,
 - Pribor za jelo (posuda, kašika, viljuška, mali nož ili perorez),
 - Konop najmanje dužine 2 metra,
 - Posuda za vodu zapremine najmanje pola litra,
 - Priručna lampa,
 - Jedno šatorsko krilo,
 - Pribor za ličnu higijenu.
 - Kišna jakna, kabanica
2. Gore navedena oprema se boduje. Za svaki dio lične opreme, član patrola dobija 5 bodova. Boduje se pet članova patrola, tako da je maksimalan broj bodova po jednom članu 45. Maksimalan broj bodova po patroli je 250.
3. Bodovanje lične opreme vrši se na posebnom obrascu koji na kraju bodovanja potpisuju član Takmičarske komisije i vođa patrola.
4. Tokom prelaska staze svaki član patrola mora sa sobom nositi sljedeću ličnu opremu: uniformu i maramu po pravilniku SICG, odgovarajuću obuću za duže pješaćenje, konop dužine najmanje 2 metra, posudu za vodu zapremine najmanje 0,5 litara i priručnu lampu.
5. Posuda za vodu zapremine najmanje 0,5 litara podrazumijeva: čaturicu ili plastičnu flašu zapremine 0,5l.

12. Kretanje između zadatih tačaka

1. Ovaj zadatak izvršavaju dva člana patrola sa sljedećim ulogama: jedan vizira azimute, drugi određuje dužinu kretanja.
2. Određeni član se krede između tačaka, zadatih od Takmičarske komisije. Staza treba da ima start, najmanje 4 prelomne tačke i cilj. Staza ne smije biti duža od 100 metara. Udaljenost između dvije susjedne tačke ne smije biti veća od 20 metara.
3. Ispravno određena tačka može donijeti 10 bodova i to: 5 bodova za azimut i 5 bodova za daljinu. Azimut de biti bodovan sa 5 bodova ukoliko je odstupanje do 3o a daljina sa 5 bodova ako je odstupanje do 1 metra dužnog.
4. Maksimalan broj bodova koje patrola može osvojiti za kretanje po zadatom azimutu je 50.
5. Vrijeme za kretanje između zadatih tačaka je 25 minuta.
6. Nakon prelaska date staze kretanja po azimutu, član Takmičarske komisije na licu mjesta boduje izmjerene azimute i daljine.
7. Patrola može pri kretanju po zadatom azimutu koristiti pomagala koja je koristila i sama Takmičarska komisija pri izradi staze.
8. Nakon isteka dozvoljenog vremena član Takmičarske komisije prekida kretanje patrola i upisuje broj pronađenih prelomnih tačaka.
9. Etalon datih tačaka sa tačnim azimutima dat je na ovjerenom bijelom papiru.
10. Na posebnom ovjerenom bijelom papiru mora postojati mjesto na kome član Takmičarske komisije upisuje ime i startni broj ekipe i broj osvojenih bodova na ovoj disciplini.

13. Skica kretanja između zadatih tačaka

1. Po završetku kretanja između zadatih tačaka, član Takmičarske komisije zadaje patroli zadatak za izradu skice kretanja po zadatom azimutu i daljinama.

2. Patrola izrađuje skicu u prisustvu člana Takmičarske komisije i po završetku mu istu predaje. Crtež kretanja između zadatih tačaka se izrađuje nezavisno od uspješnosti prelaska staze. Vrijeme za koje patrola izrađuje skicu je 30 minuta.
3. Za izrađenu skicu kretanja između zadatih tačaka, patrola može dobiti najviše 100 bodova i to:
 - Za svaku tačno ucrtanu tačku 15 bodova
 - Za grafičku obradu do 25 bodova
4. Dozvoljeno je odstupanje od 1o za azimut i 2 mm za daljinu na najviše dvije tačke.
5. U slučaju neucrtavanja sjevera ili njegovog ucrtavanja sa greškom većom od 150, za neupisivanje razmjere, vrijednosti uglova i daljina na samom crtežu ili sa strane, skica dobija 0 bodova. Za nepridržavanje zadate razmjere crteža, te za izrazitu nečitkost i neurednost rad dobija 0 bodova. Rad se ne ocjenjuje ako nije upisan naziv patrola i startni broj.
6. Oznaka sjever mora biti obilježena sa „S” latinično ili „C” ćirilčno.
7. Skica se izrađuje na ovjerenom bijelom papiru.
8. Na poleđini papira na kom se izrađuje skica ili na posebno dodatom (priheftanom ili zalijepljenom) papiru mora postojati lista bodovanja ovog materijala, uz potpis člana Komisije koji ga je bodovao.

V. Posebni zadaci za mladu kategoriju:

1. Panoramski snimak KS

1. Panoramski snimak KS predstavlja crtež nekog dijela zemljišta ili objekta, izrađen slobodnom rukom, onako kako ga mi vidimo. Crta se bez lenjira i šestara, sa jedne stajne tačke. U izradi crteža mogu se koristiti grafitna olovka i drvene bojice.
2. Patrola za izrađeni panoramski snimak može osvojiti do 100 bodova.
3. Panoramski snimak KS se ocjenjuje tako što se najbolji iz kategorije boduje sa 100, a svaki sljedeći ima manje bodova u odnosu na broj ekipa.
4. Panoramski snimak KS se izrađuje na ovjerenom bijelom papiru.
5. Na poleđini papira na kome se izrađuje Panoramski snimak KS ili na posebno dodatom (priheftanom ili prilijepljenom) papiru mora postojati lista bodovanja ovog materijala, uz potpis člana Komisije koji je isti bodovao.

VI. Posebni zadaci za stariju kategoriju:

1. Kroki KS

1. Kroki je detaljan i precizan plan manjeg dijela zemljišta (prečnika 100 i 300 metara zavisno od preglednosti) izrađen u krupnoj razmjeri uz upotrebu topografskih pomagala (busole, trougla, lenjira, uglomjera, trake za mjerenje, šestara, olovaka u boji i sl.). Radi se sa dvije ili više stajnih tačaka koje se ucrtavaju na crtež. Svi objekti na terenu moraju biti precizno izmjereni, orjentisani i ucrtani u datoj razmjeri. Ucrtavaju se isključivo nepokretni objekti na terenu i nije potrebno unositi vrijednosti uglova i udaljenosti. U kroki se objekti ucrtavaju vlastitim topografskim znacima za koje se mora dati legenda, u suprotnom se kroki ne ocjenjuje.
2. Za izrađeni kroki patrola može dobiti do 150 bodova i to:

• Orjentacija i razmjera krokija i objekata	do 30 bodova
• Objekti, komunikacije, vodeni tokovi, površine	do 50 bodova
• Konfiguracija terena	do 20 bodova
• Izbor stajnih tačaka pri krokiranju	do 20 bodova
• Oznake na krokiju, topografski znaci, legenda	do 10 bodova
• Izgled, grafička obrada, urednost, estetika	do 20 bodova
3. Preciznost se određuje preklapanjem krokija sa etalomom. Bez ucrtanog ili sa pogrešno ucrtanim sjeverom sa greškom većom od 15 stepeni patrola za kroki dobija 0 bodova. U slučaju nepridržavanja zadate razmjere čitav rad dobija 0 bodova. Kroki bez upisane razmjere i legende dobija 0 bodova. Za neucrtanu većinu markantnih i jasno vidljivih objekata, komunikacija, vodenih tokova i površina, rad dobija 0 bodova. Rad se ne ocjenjuje u stavci „konfiguracija terena” ako nije ucrtana ekvidistancija, kako bročano uz izohipse tako i na dnu crteža. Rad mora

imati naziv patrole i startni broj patrole, u suprotnom dobija 0 bodova. Smatra se tačnim sve što ne odstupa više od 1 mm na crtežu.

4. Oznaka za sjever mora biti obilježena sa „S” latinično ili „C” ćirilično.
5. Kroki KS se izrađuje na ovjerenom bijelom papiru.
6. Kroki se izrađuje u razmjeri 1:100 do 1:500.
7. Na poledini papira na kome se izrađuje kroki KS ili na posebno dodatom (priheftanom ili zalijepljenom) papiru mora postojati lista bodovanja ovog materijala, uz potpis člana Komisije koji je isti bodovao.

2. Profil terena

1. Profil terena je crtež presjeka terena po zamišljenoj liniji koja spaja dvije zadate tačke, urađen u datim razmjerama i to:
 - **Rh** = 1:1000, 1:2000, 1:2500, 1:4000, 1:5000
 - **Rd** = 1:10 000, 1:12 500, 1:25 000
2. Profil se izrađuje tako da se određuju i ucrtavaju tačke presjeka sa svim izohipsama koje siječe zamišljena linija, da bi se na kraju tačke presjeka povezale, tako da tačke presjeka ostanu slobodne. Na profil terena se ucrtavaju presjeci sa objektima, komunikacijama, vodenim tokovima i to na posebnoj liniji ispod ili iznad profila, topografskim znacima za koje se daje legenda. Tačno ucrtana tačka je tačka kojoj je tačno određena visina, pri čemu po horizontali ne odstupa više od jedan milimetar, u poređenju sa tačno ucrtanom tačkom. Ocjenjivanje se vrši preklapanjem etalona sa početnom i krajnjom tačkom a u cilju poklapanja većeg broja tačaka. Na crtežu se upisuju koordinate zadatkom zadatih tačaka, kao i vazдушna udaljenost između zadatih tačaka.
3. Patrola za crtež profila terena može dobiti do 120 bodova i to:
 - Za tačnost pri ucrtavanju visina i udaljenosti presjeka sa izohipsama, presjeka sa komunikacijama, objektima, vodenim tokovima, površinama do 100 bodova
 - Za grafičku obradu, legendu, estetiku do 20 bodova
4. U slučaju nepridržavanja razmjera (horizontalna ili vertikalna), nenaznačenih razmjera, nenaznačenih početnih i krajnjih tačaka sa pripadajućim visinama i njihovim koordinatama ili ukoliko 50% tačaka nije tačno ucrtano, profil dobija 0 bodova. Bitno odstupanje od razmjera podrazumijeva odstupanje krajnje tačke u odnosu na početnu prema etalonu 50 metara u razmjeri profila. Zamjena mjesta krajnjih tačaka (obrnuto crtanje profila) takođe nosi 0 bodova. Profil mora posjedovati naziv patrole i startni broj, u suprotnom ne dobija bodove.
5. Profil terena između zadatih tačaka se izrađuje na ovjerenom milimetarskom papiru.
6. Na poledini papira na kome se izrađuje Profil terena ili na posebno dodatom (priheftanom ili prilijepljenom) papiru mora postojati lista bodovanja ovog materijala, uz potpis člana Komisije koji je isti bodovao.

3. Signalizacija (Morze)

1. Patrola učestvuje sa svoja 4 člana, koji su raspoređeni: dvoje na prijemnoj i dvoje na predajnoj stanici. Prijemna i predajna stanica su međusobno udaljene najmanje 50 a najviše 100 metara, ili imaju fizičku prepreku koja je izolator zvuka. Dozvoljena je slobodna podjela poslova unutar patrole.
2. Za slanje poruke „morzeom” koristi se isključivo morzeova abeceda. Poruke su sastavljene od izabranih slova abecede bez korišćenja složenih slova (d, č, š, ž, đ, lj, nj, dž).
3. Slanje poruke „morzeom” se obavlja noću svjetlosnim signalima, ili zvučnim signalima (pištaljkom ili zujalicom). Poruka sadrži 30 znakova: 28 slova i 2 broja.
4. Poruka se prenosi od trenutka davanja zvučnog signala člana Takmičarske komisije (početak prenošenja poruke) a sa prenošenjem se prestaje na zvučni signal člana takmičarske komisije (završetak prenošenja poruke), po isteku predviđenog vremena ili kada član patrole sa prijemne stanice uruči izvršeni zadatak članu Takmičarske komisije.
5. Svi znakovi se bilježe u za to predviđeni proctor prema datom obrascu. Znakovi zabilježeni van predviđenog prostora se ne boduju. Boduje se onaj broj znakova koji su prenijeti po datom redosljedu i u zadatom vremenu. Svako tačno preneseno slovo po datom redosljedu (upisano po

pravilnom redosljedu u za to predviđenim poljima) se boduje sa 5 bodova. Patrola može osvojiti maksimalno 150 bodova.

6. Maksimalno vrijeme primopredaje poruke morzeom je 150 sekundi.
7. Svaka patrola ima pravo uvida u tačnost prenešene poruke na licu mjesta (po završenom zadatku).
8. Poruka se dobija od člana Takmičarske komisije. Poruka je izrađena na ovjerenom bijelom papiru. Patrola piše prenešenu poruku na posebno izrađenom i ovjerenom bijelom papiru.
9. Na poleđini papira na kome patrola piše prenešenu poruku mora postojati mjesto za zbir bodova, potpis člana Komisije koji je bodovao, naziv i startni broj patrole.
10. Član Takmičarske komisije mora tokom prenosa poruke kod sebe imati etalon morzeove abecede – u smislu pravilnog slanja.

4. Izrada prenoćišta, kao i priprema obroka.

1. Prenocište se izrađuje od šatorskih krila, kanapa i priručnog materijala i čine ga objekti za noćenje (šator od pet šatorskih krila), unutrašnje uređenje objekta (izrada kreveta, šatorski patent) i uređenje terena za bivak (izrada ognjišta, patenata). Organizator višeboja mora obezbjediti za izradu bivaka dovoljnu količinu materijala za sve ekipe u slučaju da ga nema na mjestu organizovanja bivka. Na prenoćištu ekipe spremaju kuvani obrok od sirovih namirnica koje dobijaju od organizatora na mjestu bivka.
2. Za uređenje prenoćišta ekipa može dobiti do 200 bodova i to:
 - za izbor terena za prenoćište 50 bodova
 - za podizanje objekta za noćenje (podizanje šatora od šatorskih krila, upotreba priručnog materijala i praktična primjena najmanje 4 različita čvora)60 bodova
 - za uređenje unutrašnjosti objekta za noćenje50 bodova
 - za uređenje okoline objekta za noćenje40 bodova
3. Za pripremanje kuvanog obroka ekipa može dobiti do 100 bodova i to:
 - jestivost spremljene hrane20 bodova
 - iskorišćenost svih dobivenih namjernica 20 bodova
 - kvaliteta kuvanog obroka40 bodova
 - higijena20 bodova
4. Kod ocjenjivanja uređenosti unutrašnjosti objekta za noćenje, ocjenjuju se samo funkcionalni patent.
5. Vrijeme za izradu prenoćišta i pripremu hrane je ograničeno na tri sata i ono ne ulazi u vrijeme prelaska staze. Nakon isteka vremena zaduženi član takmičarske komisije prekida dalju izradu prenoćišta i pripremu obroka te pristupa ocjenjivanju izrađenog zaklona i pripremljene hrane.

5.Šatorizacija

1. Učestvuju četiri (4) člana patrole. Šator je tipa "Izviđač" bez dna, sa šestodijelnom konstrukcijom i osam klinova.

2. Klinovi moraju biti vretenasti.
3. U pribor za podizanje šatora spadaju još i dva čekića ili sjekirice koji prije podizanja moraju biti na svome mjestu, poslije podizanja u šatoru, a nakon rušenja složeni kao na početku.
4. Takmičari se mogu odreći upotrebe čekića, pri čemu se isti odlažu kod kontrolora, a patroli se računaju bodovi kao da su čekići upotrijebljeni i uvijek uredno složeni.
5. Prostor za dizanje i rušenje šatora je ograničen na 8 x 8 metara.
6. **Šatorizacija** /najbolje vrijeme i tačnost dobija do 100 bodova

Boduje se:

- ukupno vrijeme dizanja i spuštanja šatora 50 bodova,
- kvaliteta dignutog šatora 35 bodova,
- kvaliteta složenog šatora 15 bodova..
- zadatak treba završiti u roku od 3 minuta

- Zadatak obavljen u tome roku boduje se prema navedenom načinu.
- Nakon toga vremena patrola koja je u potpunosti obavila zadatak (podigla šator da stoji i srušila ga i uredno složila) u roku do 5 minuta dobija minimum od 10 bodova, a preko tog vremena dobija 0 bodova.

7. Kvalitet podizanja šatora se boduje prema slijedećem:

- pravilno zabijen klin	8 x 1	=	8 boda
- pravilno zategnute žabice	8 x 1	=	8 boda
- motke ravne (uspravne)	2 x 3	=	6 boda
- vrata se mogu zatvoriti	2 x 1	=	2 boda
- sjekirice (čekići) u šatoru	2 x 1	=	2 boda
- uredno zategnuto platno krova	2 x 2	=	4 boda
- pravilno orijentisan šator			do 5 bodova
UKUPNO			35 bodova

Kvalitet rušenja šatora se boduje prema slijedećem:

- pravilno složen šator	do 8 bodova
- pravilno složeni ostatak opreme (klinovi, šipke, čekići(sjekirice))	do 7 bodova
UKUPNO	15 bodova

Dodatni negativni bodovi:

- nedisciplina do (-5 bodova x 4 puta) = do - 20 bodova
- odnos prema opremi do (-5 bodova x 4 puta) = do - 20 bodova

8.U odnosu na kontrolora patrola mora biti postrojena ispred šatora i okrenuta licem prema kontroloru.

9.Način slaganja/pripremanja šatora mora biti onakav kakvog ga je ekipa zatekla prije početka izvršenja zadatka (detaljnije napomene daje takmičarska komisija odnosno kontrolor) :

10.Patrola na znak kontrolora počinje podizati šator.

11.Nakon obavljenog zadatka patrola ponovo zauzima početnu poziciju ispred kontrolora i uzvikuje “gotovo”, “zdravo”, “ura”, “stop” ili neki drugi zajednički poklič. Vrijeme se prestaje mjeriti po uzvikivanju pokliča. Kontrolor zatim pristupa ocjenjivanju kvaliteta podizanja šatora. Ocjenjivanje se vrši u pratnji vođe patrole, dok je ostatak patrole postrojen ispred šatora. Pomoćni kontrolor motri na eventualne slučajeve povrede discipline i ukazuje na to glavnom kontroloru.

12.Nakon obavljenog ocjenjivanja, patrola na znak suca započinje s rušenjem, nakon završenog rušenja šatora postrojavaju se i pokličom daju znak kontroloru za prekidanje mjerenja vremena. Vrijeme slaganja šatora u svrhu pripreme za dizanje iznosi tri minute. Kontrolor je dužan upozoriti ekipu na 30, odnosno 10 sekundi do isteka dozvoljenog vremena za pripremu. Između obavljenog ocjenjivanja nakon dizanja šatora i početka spuštanja dozvoljena je priprema/dogovor od 15-ak sekundi.

13.Klinovi se zabijaju pod uglom od 75 stepeni i moraju biti čvrsto uglavljeni u zemlju. Konopci ne smiju dodirivati zemlju, trebaju biti otprilike najmanje oko 2 cm iznad zemlje, i moraju biti uredno zategnuti.

Oba krovna platna moraju biti ravna, uredno zategnuta, bez većih nabora. Vrata treba biti moguće zatvoriti bez znatnog naprezanja platna. **Nakon obavljenog podizanja, ulaz šatora mora biti okrenut prema kontroloru. Odstupanje u orijentaciji šatora se toleriše do +/-30°.**

14. Patrola, zbog lošeg odnosa prema opremi može biti kažnjena s -5 bodova, maksimalno do - 20 bodova. 15. Kontrolori ne smiju verbalno i fizički ometati ekipu, i dužni su udaljiti svaku osobu koja sa strane na nekolegijalan način ometa ekipu u obavljanju zadatka Navijanje se ne smatra ometanjem. Ocjenjivanje i mjerenje vremena obavlja isključivo jedan sudac za sve patrola.

VII. Vandredne situacije

1. Uputstvo za vandredne situacije se izdaje za svaku konkurenciju i svaku kategoriju posebno.
2. Uputstvo za vandredne situacije izdaje Predsjednik Takmičarske komisije.
3. Uputstvo za vandredne situacije se daje svakoj patroli na startu staze, kovertirano i zapečaćeno. Patrola zapečaćenu kovertu može otvoriti samo u slučaju odustajanja od daljeg prelaska staze, u slučaju da se izgubila, u slučaju povrede člana patrole ili nekoj drugoj nepredviđenoj situaciji.

4. Uputstvo za vandredne situacije naročito sadrži:
 - Način reagovanja u slučaju odustajanja od daljeg prelaska staze,
 - Način reagovanja u slučaju da se patrola izgubila,
 - Način reagovanja u slučaju povrede člana patrola,
 - Način reagovanja u slučaju neke druge nepredviđene situacije.

VIII. Sastanci sa vodama patrola

1. Takmičarska komisija dužna je da održi najmanje dva sastanka vođa patrola (za svaku kategoriju posebno), na kojima se raspravlja o problemima u takmičenju, nejasnoćama i tumačenju propozicija.
2. Sastanke saziva i njima rukovodi Predsjednik Takmičarske komisije. U radu sastanka učestvuju članovi Takmičarske komisije i vođe patrola iz svake kategorije posebno. U radu sastanka, bez poziva, može učestvovati i Starješina višeboja.
3. Predsjednik Takmičarske komisije samostalno odlučuje da li će na sastanak pozvati nekog od učesnika ili članova drugih organa višeboja.

IX. Zamjena, odustajanje i diskvalifikacija

1. Vođa patrola može određenog člana patrola zamijeniti rezervom kada on to zatraži ili ukoliko se neko od članova povrijedi a Takmičarska komisija konstatuje da se isti mora zamijeniti. Rezerva ulazi u sastav patrola samo jednom i takmiči se do kraja takmičenja.
2. Ukoliko se iz bilo kog razloga mijenja vođa patrola, njega u daljem radu patrola zamjenjuje njegov zamjenik, o čemu se mora obavijestiti Takmičarska komisija.
3. Ukoliko je jedan član patrola prilikom prelaska staze višom silom prisiljen da odustane od daljeg prelaska staze, patrola se omogućava nastavak prelaska staze bez jednog člana uz uslov da taj član patrola ostane na toj ili najbližoj KS. Kontrolor u toj situaciji, ako je potrebno, mora zatražiti intervenciju ljekara.
4. U slučaju bilo kakvog lažnog prikazivanja bolesti ili povrede, cijela patrola se diskvalifikuje i udaljava sa takmičenja.
5. Ukoliko ljekar utvrdi da je odustajanje opravdano, taj član do kraja višeboja ne može učestvovati ni u jednoj preostaloj disciplini, a njegovo mjesto po dolasku na cilj zauzima rezerva.
6. Patrola koja tokom staze odustane od daljeg prelaska staze ne dobija bodove za ono što je do trenutka odustajanja uradila na stazi.
7. Patrola koja je odustala samo od daljeg rada na stazi, ima pravo da nastavi takmičenje u disciplinama koje nijesu predviđene za savlađivanje na stazi.
8. Patrola u kojoj je od daljeg takmičenja odustalo dva člana, uskraćuje se pravo daljeg učešća i smatra se da je ista samovoljno odustala.
9. Patrola koja svojevrijedno ili neopravdano odustane od takmičenja se ne uvrštava u konačan ukupni plasman i ne omogućuje im se izvršenje preostalih zadataka. Patrola koja svojevrijedno i neopravdano odustane od takmičenja ostaje u krugu logora do kraja takmičenja.
10. Štab na najbrži i najpodesniji način obavještava Starješinu ili Načelnika jedinice iz čijeg je sastava dotična patrola i ukoliko smatra za potrebno dogovara sa njim način preuzimanja patrola .
11. Kazne diskvalifikacije izriče Štab CIV-a (ili nekog drugog višeboja)
12. Patrola može biti kažnjena diskvalifikacijom pod sljedećim uslovima:
 - Za korišćenje prevoznog sredstva tokom prelaska staze
 - U toku izvršenja zadataka i prelaska staze patrola ne smije upotrijebiti nikakvo prevozno sredstvo za sebe ili opremu koju nosi.
 - U toku takmičenja zabranjena je upotreba elektronskih i optičkih naprava, kao i ostalih pomagala koja ne spadaju u standardnu opremu za takmičenje.
 - **Zabranjena je upotreba nedozvoljenih stimulativnih sredstava, kao i konzumacija droge.**
 - Pod težom povredom discipline podrazumijeva se izazivanje nereda, javno vrijeđanje članova organa CIV-a ili drugih učesnika, fizički napad i nanošenje fizičkih povreda pojedincima,

namjerno uništavanje ili krađa opreme, namjerno paljenje šume, uništavanje materijalnih dobara kao i ostale kriminalne radnje.

13. Diskvalifikovana patrola napušta višeboj pod istim uslovima kao i ona koja je samovoljno odustala od takmičenja, Patrola koja svojevrijedno i neopravdano odustane od takmičenja ostaje u krugu logora do kraja takmičenja.

14. Ostale situacije diskvalifikacije u takmičarskim disciplinama su regulisane statutom i pravilnicima SICG.

X. Plasman i nagrade

1. Svaka patrola koja je završila takmičenje dobija diplomu, svoju bodovnu listu, materijal koji je izradila tokom takmičenja i zbirnu bodovnu listu iz konkurencije i kategorije u kojoj je učestvovala.
2. Materijal svake patrole se prije vraćanja, skenira i zajedno sa svim materijalima, zadacima i fotografijama arhivira u dokumentaciji.
3. Svaki učesnik na kraju takmičenja dobija amblem višeboja i diplomu o učešću na višeboju.
4. Ukupan plasman se određuje zbirom bodova svih takmičarskih disciplina.
5. Konačan plasman za svaku konkurenciju i kategoriju posebno saopštava Takmičarska komisija na kraju takmičenja.
6. Pobjednik se proglašava za svaku konkurenciju i kategoriju posebno na osnovu ostvarenih rezultata.
7. Za osvojena prva 3 mjesta patrole se po kategorijama nagrađuju peharima u trajnom vlasništvu.
8. Pobjednik u konačnom plasmanu dobija i prelazni pehar koji će naslijediti pobjednik u narednoj godini.

NAČELSTVO SAVEZA IZVIĐAČA CRNE GORE